

1 TESALONIKAFỌ

Paulo Ovoli Ọtọnyade Kĩ Ẹtsẹle Ẹma Tesalonikafọ

Bọawõna Mi.

¹ Yĩ Paulo, Silvano mọ Timoteo, bọtsẹle ovoli kīi bọama mi a kī minye Baguma boe Ọlega mọ boe Ọlate Yesu Kristo bade a ne Tesalonika a. Baguma boe Ọlega mọ boe Ọlate bẹmọ mi kọnya, bẹkpa mi lukudọ lemẹ.

Bọanye Baguma Kọle Kĩ Mikọa Mi Akū Mikpa Ye.

² Bọanye Baguma kọle ne mi flee lolọ loko nye loko ade daa nte bọabọa mpae ni, bọakọa mi fọletsa kayi ne ye ane.

³ Bọálela Baguma boe Ọlega kabi ayekĩ mipini mi katekado miakọa kakena adzuma. Bọale lemẹ ayekĩ miabumọ bati ne ọdọ kame, mọ ayekĩ mikọa ane mite ne boe Ọlate Yesu Kristo akū mọ ọsĩ mọ ọsĩ.

⁴ Nwaẽ amẹ, bunyina kī Baguma awe mi kale paa, ade epau mi kī minya ye bati lemẹ a.

⁵ Kale Wĩ a kī bọyabi mi a ni, nné kale pupulidza kanẹ, mbom ne Hũhũ Kpalẹwa kọbẹ kame ni, mite foe kī ọnokọali fọletsa fọanẹ. Mimó ayekĩ bupi boe akū ne mi kame kī fọnya kabumena fọkpa mi.

⁶ Ne ọnokọali kame ni, mitomọ boe mọ boe Ọlate ọbla a, foesũ tito kī mimó lubo pii malo ni, mite kale a mọ kawọle kī kito Hũhũ Kpalẹwa a sekẹ.

⁷ Ne fukĩ sũ ni, midani nfantuhũ mikpa bate badone flee a kĩ bideĩ ne Makedonia mo Akaia.

⁸ Leme nné boe Ọlate kale kĩ odi legba kito mi sekẽ kenaa Makedonia mo Akaia flee, mbom mi Baguma katekado leme gba ne kako nye kako. Foesũ fotásĩ kĩ bole kadi ne foe akũ.

⁹ Be moawe a bale ayekĩ mite boe ne loko a kĩ boya ne mi sekẽ, mo ayekĩ mifõ baviõ kasum, mikoa mi akũ mikpa Baguma kĩ ye odi dzi nkpã kĩ ela kawũna a.

¹⁰ Ade midzi miadzole ye Obi Yesu a kĩ edzela etomena banokpa kame, kĩ yaabuki eto ode legãkanyakõ eya a. Ade Yesu kĩ odi aapuli enye boe etomena kalokpa a kĩ Baguma aana ne tokpa bakenane flee akũ a kame a.

2

Paulo Kena Adzuma Ne Tesalonika.

¹ Nwaẽ ame, miawe minyina kĩ boe kaya ne mi sekẽ a tányà koa.

² Minyina ayekĩ bemona boe lubo, bivũna boe ne Filipi fomõ boyawo mi sekẽ ne Tesalonika. Leme titõ kĩ biyidza bedza ne boe akũ mo osĩ mo osĩ ne awã malo ni, Baguma do boe kobẽ bubi mi ye Kale Wĩ a.

³ Kode a kĩ bokpa mi a táto bati kake, adzuni kpa ãye tedake tisi kame,

⁴ mbom bubi mi kale loko nye loko nde ayekĩ Baguma we kĩ bole, kitonekĩ ye moawe a eso boe edã, emó kĩ bofeta bokpa ye Kale Wĩ a kale. Foesũ boáwe kĩ boale bati limu boe, mbom kĩ boe kodzela kale aawo Baguma a kĩ enyina bati owole kame a ane.

5 Minyina pefee kī nné onukpě menemene fọletsa bọkọa bọma mi, ade ke bọtábẹẹle ane ne odima fọtsa akū da a. Baguma odi nye boe ọdansini.

6 Bọtáwe kamu butomena mi ãye bati bebã sekě.

Tito kī boe nde Kristo fọtọ banyane aye budeĩ osi kī bọavia fọtsa butomena mi sekě malo ni,

7 bupi boe akū ne mi kame nde obima kī yadāmena ye babi akū aye.

8 Ne ayekĩ bọawe mi kale paa sū ni, bọawe kī mi malo minu Kale Wĩ kĩ. Ade fonyé Baguma Kale Wĩ kĩ odi, mbom bọkọa boe mọawe akū bọkpa mi, kitonekĩ mite kọya mikpa boe paa.

9 Nwaě ame, mite ane ayekĩ loko a kī bọna ne mi sekě, bọkabi mi Baguma Kale Wĩ a, bọkena adzuma lenye mọ suwa bọdã boe akū, ayekĩ bọláakọa fọlọtsa fudima bute ne odima akū.

10 Mi mọawe a mọ Baguma míapuli midi boe akū adansie kī, kī budzi ne mi bate badone kame a, bupi boe akū kapi wĩ. Bọkena fọtsa wĩ, ade odima támọ nfumusunu ne boe akū a.

11 Minyina lẹme kī bọle odi nye odi nde ayekĩ obilega ale ye babi.

12 Budo mi kọbě, bọkadọla mi tọwọle, ade bọkade mi kī midzi nkpã kī yaado Baguma seme. Ye mọawe leve mi kī mina nkpã kate ne ye legākanyakõ mọ kukũkpale a kame.

13 Ade letsa bebã sū kī bọanye Baguma kọle daa nye kī loko a kī bubi mi Baguma kale wĩ kĩ a, mitákọa ke mikena batidziwa kale, mbom mibu ke, mite ke nde Baguma kale aye, kī kenye ọnokọali kale. Baguma kale kĩ akena adzuma ne mi bate badone a nkpã kadzi kame.

14 Nwaě amε, letsa a kī leya ne mi akū ne awī a, ade foe mɔape a leya ne Baguma bati akū ne Yudea tite akū a. Lubo a kī mimó mitomena mi bati mɔawe kame a, ade de Yudafo a kī betε Yesu bido a lemε mó bitomena Yudafo mɔawe kame a.

15 Yudafo kī lεko Baguma onukpě banyene, befō beko boe ɔlate Yesu lemε, ade be tomo boe malo liti a. Be fokelatsa do Baguma kalokpa ade biyidza bedza ne bati flee akū a.

16 Beboα mbodi kī basua boe osi kī botabi bikī benyé Yudafo a kale wī a kī kaafō bena nkpā a kī elá kawūna a. Ne fukī kakena kame ni, bekakena tokpa pii kabu be tokpa. Finyaa Baguma kalokpa yidza ne be akū.

Paulo Kawε Kī Yanaasela Asoli a.

17 Nwaě amε, ade fuwi sukuloo kī bodzakū bɔfɔne mi a. Tito kī bɔámɔ akū anε mɔ anε malo ni, bɔakɔna mi akū paa. Bɔwe paa ade bɔboα mbodi kī bɔayaamo mi a.

18 Bɔwe kī bubuki bɔyaasela mi. Yī Paulo kɔ ɔnokɔali mbɔα mbodi pii kī maya, lemε Abonsam tákpa osi.

19 Fɔnye yī kawε paa kī iyaasela mi kitonekī mi akū bute anε, minye boe kawɔle lemε. Ade minye boe nfasɔ a kī foesū bóata akū ne loko a kī boe ɔlate Yesu aabuki eya a.

20 ɔnokɔali ni, minye boe obu mɔ kawɔle a.

3

1 Ne ayekī boláapuli bubuki budo ɔwɔle sū ni, buke otse kī bɔakahɔ ne Atene,

2 ade ke budo Timoteo kī eyaado mi kobě, ebumena mi ne mi katekado kame. Enye boe

ɔwaẽ kĩ yabumena boe ne Baguma adzuma mo Kristo Kale Wĩ a kale kame.

³ Bɔkena foe lomo kitonekĩ botáwe kĩ bati liti katomena kĩ kiveli odima akpo. Mi moawe minyina kĩ bati liti katomena kĩ waa kekpa boe a kĩ butomo Kristo.

⁴ Míate ane kĩ loko a kĩ bona ne mi sekẽ a, bɔkpa kanyi bonyamena loto kĩ bati liti katomena aaya. Ade nde ayekĩ minyina a, foya lomo pepepe.

⁵ Ne ayekĩ maápuli mbuki ndo ɔwole sũ ni, ndo Timoteo kĩ eyaadã ayekĩ mi katekado la. Nkavila kĩ ɔsa okesĩne a yasɔ mi edã, lokoa boe adzuma kakena a flee kena pupulidza.

Mi Katekado Ade Boe Kawole.

⁶ Leme Timoteo muniki eya mo kawole eyabi boe kĩ mi katekado mo towaẽ kawe távemena. Ele kĩ miate ane ne boe akũ daa, ade miawe osi kĩ míamo boe nde ayekĩ boe malo boawe kĩ boamo mi a.

⁷ Foesũ nwaẽ ame, ne boe lubo kamo mo kasuli kame malo ni, mi katekado do boe kobẽ,

⁸ kitonekĩ nte midzẽ kɔɔba ne boe ɔlate kame ni, nkpa vɔẽ awo ne boe kame.

⁹ Bóapuli bonye Baguma kole ne mi lolu fuwo ye ane? Kawole baũ ade boe ne Baguma ane, ne mi sũ.

¹⁰ Lenye mo suwa boake boe ɔlate aduli mo ɔsĩ mo ɔsĩ kĩ efɔ bubuki bomó akũ lokoa bɔkpa mi letsa a kĩ lisĩ ne mi katekado kame.

¹¹ Finyaakĩ Baguma boe ɔlega, mo boe ɔlate Yesu bibinya osi bekpa boe lokoa boya ne mi sekẽ.

¹² Boe ɔlate efɔ̃ mi akũ kalekawε mo bati bebã kalekawε a kide ne ode kibu, nde ayekĩ bowε mi a.

¹³ Fukĩ fɔfɔ edo mi kobẽ, ekena mikpɔla, ekena mi bati kpalewa ne Baguma boe ɔlega anε, kɛnaawo luwi a kĩ boe ɔlate Yesu mo ye bade a flee kĩ bekpale a aabuki beya.

4

Midzi Nkpã a Kĩ Yaawo Baguma Anε.

¹ Nwaẽ amε, ke kawũna a, mikɔle mitomɛna boe sekẽ ayekĩ miadzi nkpã kĩ yaawo Baguma anε. Ade aye midzi kɔkɔε a, lemε boado mi fi, ne boe ɔlate Yesu dĩ akũ kĩ mikɛna fɔba lomɔ.

² Minyina fɔtsa a kĩ foe bɔtsa mi ne boe ɔlate Yesu dĩ akũ a.

³ Baguma awe kĩ mi akũ ekpale ne linyolewε mo litsolewε akũ.

⁴ Onyole nyε onyole enyi ɔtsɔ kapi wĩ ne kukũkpale mo obu kame,

⁵ etatomɔ sukɛna fɔwetsa omɛnε liti nde bikĩ binyĩna Baguma aye.

⁶ Ne fɔletsã kĩ akũ ni, odima etakɛna tokpa ne ɔkɔba akũ iye esisi ye. Bubi mi fukĩ tɔ, buke mi awe ne akũ mo ɔsĩ mo ɔsĩ kĩ boe ɔlate aawεle bikĩ bakɛna fɔtsã kĩ bame a sɔtɔ.

⁷ Baguma tãve boe kĩ bɔnya bati kĩ be akũ deĩ efĩ, mbom bɔnya bikĩ be akũ kpale.

⁸ Ne foesũ nte odi sĩ nhihie kĩ akũ kakɛna ni, nné otidziwa esĩ, mbom eyidza εdza ne Baguma kĩ yakɔa ye Hũhũ Kpalewa kakpa mi a akũ.

⁹ Ne mi bawã batε badonε akũ kalekawε akũ kɔ̃ ni, fɔtásĩ kĩ matsεle litsedi ne foe akũ, kitonekĩ Baguma tsa mi kɔkɔε kĩ miwe mi akũ kale.

10 Fonye onokwali kɔ miawe mi bawae bate badone flee a kɔ bideɛ ne Makedonia flee a kale, leme boake mi aduli kɔ mikena foe foba lomɔ.

11 Mi botae fonya kɔ miadzi nkpā ne akū kadola kame, odi nye odi edā ye adzuma. Mikoa awe mikena mi moawe adzuma minya nde ayekɔ bubi mi a.

12 Fukɔ aafɔ bikɔ benyɛ bate badone a lekpa mi obu, lokoa milaakoa ane mite ne odima letsama akū.

Mitakabe Kɔnya Nde Bati Kɔ Belá Kɔnete.

13 Nwae ame, boawe kɔ boabi mi letsa kɔ laaya ne bati kɔ biku betɛ a akū, ayekɔ milaadzi ne ayolohɔ kame nde bati kɔ belá kɔnete.

14 Botɛ budo kɔ Yesu ku ade ebuki eyidza edzi nkpā a. Foesū botɛ budo kɔ bate badone flee a kɔ biku a ni, Baguma aafɔ Yesu lekpa be eyamena ne ye kaya kame.

15 Letsa a kɔ boatsa mi finyaakɔ nye boe ɔlate fɔtsa katsa, kɔ boe a kɔ bóadzi nkpā ne luwi a kɔ boe ɔlate aaya akū a ni, boláanya bikɔ biku a lotɔ mɔ ode kanaa.

16 Ne lokɔ a na ni, bóanu boe ɔlate kaya a mɔ fowola kɔba. Bóanu ode foto onyane onokɔɛ a odo. Baguma kagbuleɛ aane, lokoa boe ɔlate moawe aato ode eya. Bati a kɔ betɛ Kristo bido fomɔ biku a aanya lotɔ biyidza.

17 Ke liti a, Baguma aakpota boe a kɔ bute budzi nkpā a enaabumɔ bikɔ biyidza a, bonaatselamɔ boe ɔlate ne odetɔ kame. Lokoa bóadzi ne boe ɔlate a sekɛ daa.

18 Foesū mikoa foletsa kɔ mikaadola mi bawae towole.

5

Mimane Akū Mikpa Boe Ọlate Kaya Luwi a.

¹ Nwaẽ amẹ, fọtásí kǐ matsẹle letsama mma mi futomena lọkọ ìye fuwí a kǐ fọtsa kǐí bame aaya a akū,

² kitonekǐ mi mọawe minyina yededeede kǐ boe Ọlate Kaya Luwi a aaya nde ayekǐ oyekpane afuta oti mọ lenye.

³ Lọkọ a kǐ bati ale kǐ letsa nye letsa yamọ lukudọ mọ kadzi wí a, ade lọkọ a na kame pẹpẹpe mọ baawọla be deedimọape a. Fọaya nde ayekǐ seme api omatsọ, ade kalo lelána a.

⁴ Leme, nwaẽ amẹ, mi kọ miláa otū kame. Foesū luwi a na letayaafuta mi nde oyekpane aye,

⁵ kitonekǐ mi flee minye ohaí bati. Ade bonyé bati kǐ bakena fọtsa ne lenye ìye otū kame a.

⁶ Foesū mitawa tida nde bati bebā, mbom mina ne kukūmane mọ kọnete kame.

⁷ Lenye bati awa tida, ade bikǐ bave bamọa kawuga ni, lenye bawugela be.

⁸ Leme kǐ ohaí kame bati boane sū ni, mifọ bọkọa boe katekado mọ ọdọ bọkena ọwọle libí kate sobotsae, mọ boe kọnete ne boe nkpá akū bọkena sobotsae lobọe.

⁹ Kitonekǐ Baguma tápau boe kǐ yaakọa ye kawūnaba a ewọla boe, mbom kǐ bóatsá boe Ọlate Yesu Kristo akū bọna nkpá kate.

¹⁰ Yesu ku ne boe lolọ, kǐ nte budzi o-o, ìye nte buku o-o, bóadzimo ye ne ye kabuki kaya kame.

¹¹ Ne foesū ni, mikaado akū fi, mikaabumena akū nde ayekǐ milamena kakena finyaa a.

Minye Mi Akū Ne Osi Kpa a Akū.

12 Nwaẽ amε, bɔake mi aduli kī mikɔa obu wī mikpa mi lotɔ banyanε a kī bakena adzuma nε mi kame, kakkpā mi nε Kristo nkpā kadzi kame a.

13 Miwε be kale, mikpa be obu paa nε adzuma a kī bakena a sū. Ade midzi mɔ akū nε lukudɔ kame a.

14 Nwaẽ amε, bɔawε kī midε banyɔnεpo, mido bikī bideĩ libe a ɔwɔle, mibumεna bikī akpɔ veli be a. Mina ɔwɔle bɔεε mikpa odi nye odi.

15 Midā kadā wī kī odima εtakɔa tɔkpa ese tɔkpa kɔtɔ, mbom mibɔa mbɔdi kī miakena tuwī mikpa akū mɔ odi nye odi.

16 Mimmɔ kawɔle luwi daa.

17 Mikaabɔa mpae lɔkɔ nye lɔkɔ.

18 Minye boe ɔlate kɔle nε letsa nye letsa kame, kitonεkī ade fukī bame Baguma awe etomεna be a kī bitomɔ Yesu Kristo a.

19 Mitasua Hūhū Kpalewa kɔbē a osi.

20 Mitasupa Baguma onukpē banyεnε fɔletsa a.

21 Mbom misɔ letsa nye letsa midā lɔkɔa mipi fuwī a midomɔ akū.

22 Milo nε tɔkpa tidi nye tidi ɔwē.

23 Bɔwε kī Baguma kī yakpa boe lukudɔ a, εkpale mi akū nε osi nye osi akū, εdā mi hūhū, mi tekla mɔ mi sukena flee. Enye mi nε mfumsu flee kame nε boe ɔlate Yesu Kristo kabuki kaya a kame.

24 Baguma a kī εve mi a aakena foe, kitonεkī yadi ɔnɔkɔali.

25 Nwaẽ amε, mikaabɔa mpae nε boe malo lolɔ.

26 Bɔawɔna bate badonε a flee nε ɔdɔ mɔ kawɔle kame.

²⁷ Mawã mօ օsĩ mօ օsĩ ne boe Չlate Yesu Kristo
kօbẽ akũ kĩ mikã ovoli kĩĩ mitsa batε badone a
flee.

²⁸ Boe Չlate Yesu Kristo εmօ mi kօnya.

Tuwuli

Tuwuli: Baguma Apam Vɔɔ a Tuwuli New Testament

copyright © 2008 Wycliffe Bible Translators, Inc.

Language: Tuwuli

Contributor: Wycliffe Bible Translators, Inc.

All rights reserved.

2025-04-29

PDF generated using Haiola and XeLaTeX on 28 Apr 2025 from source files dated 29 Apr 2025

68df0193-2981-5275-8994-8f743fe01e5e